

ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ
Ռ. ՊԵՏՐՈՍՅԱՆ

« 02 » 11 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 00099

Ձեռնարկողը՝ Քաղաքացի Սասուն Գասպարյան
ք. Երևան, Բաբաջանյան 1 շենք, բն. 17

Գործունեությունը՝ ՆորՆորք վարչական շրջանի Դավիթ Բեկ 103/4, 103/6 և 103/8 հասցեներում բնակելի համալիրի կառուցման շրջակա միջավայրի վրա ազդեցության նախնական գնահատման հայտ
ք. Երևան

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Ա. Թարգյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

թիվ ԲՓ

03099

<02> 11 2020թ.

**Երևան քաղաքի Նոր Նորք վարչական շրջանի Դավիթ Բեկ
փողոցի 103/4, 103/6 և 103/8 հասցեներում բնակելի համալիրի
կառուցման շրջակա միջավայրի վրա ազդեցության նախնական
գնահատման հայտ**

Ձեռնարկող՝

Քաղաքացի՝ Սասուն Գասպարյան

Փաստաթղթի տեսակը՝

Շրջակա միջավայրի վրա ազդեցության
նախնական գնահատման հայտ /Գ կատեգորիա/

Տեղադրման վայրը՝


ք. Երևան, Նոր Նորք վարչական շրջան

Համաձայն «Շրջակա միջավայրի վրա ազդեցության գնահատման և
փորձաքննության մասին» ՀՀ օրենքի 14-րդ հոդվածի, 6-րդ մասի, 7-րդ կետի ա)
ենթակետի՝ բնակելի համալիրի կառուցումը որպես քաղաքաշինության բնագավառի
գործունեություն դասակարգվում է «Գ» կատեգորիայի գործունեության տեսակների
ցանկում:

Ներածական մաս. Քաղաքացի Սասուն Գասպարյանի կողմից նախատեսվող
կառուցապատումն իրականացվելու է Նոր Նորք վարչական շրջանի հարավային մասում՝
Դավիթ-Բեկ փողոցի 103/4, 103/6 և 103/8 հասցեներում: Կառուցապատվող հողամասն
ունի հյուսիս-արևմտյան թեքություն, զբաղեցնում է 1.25 հա մակերես: Բնակելի համալիրի
նախագծման համար հիմք են հանդիսացել անշարժ գույքի սեփականության իրավունքի
գրանցման վկայականները /N 29102015-01-0137, N 26062012-01-0875, N 2475502/, Երևանի
քաղաքապետի կողմից 09.12.2019թ. տրված հ.01/18-07/1-Բ-3887-1261
ճարտարապետահատակագծային առաջանդրանքը /նախագծման թույլվությունը/
Կառուցապատվող հողամասի նպատակային նշանակությունը՝ բնակավայրերի է,
գործառնական նշանակությունը՝ խառը կառուցապատման:

Նկարագրական մաս. Մորֆոլոգիական տեսանկյունից տարածքը գտնվում է Նոր
Նորք համայնքի հարավային լանջին՝ 1130-1350մ բացարձակ բարձրությունների վրա:
Կառուցապատվող տեղանքում հողագոյացումը պայմանավորված է հրաբխային
ապարների, մասնավորապես՝ բազալտի և տուֆի հողմահարմամբ, որտեղ հողածածկույթը
հանդիպում է տեղ-տեղ: Դիտարկվող տարածքում գրունտային ջրերը ընկած են 30մ և
ավել խորության վրա: Տեղամասը երկրաբանական և հիդրոերկրաբանական պայմանների
տեսանկյունից բարենպաստ է կապիտալ շինարարության համար:

Կառուցապատվող տեղանքի հարևանությամբ գտնվում են մենատներ
(Առանձնատներ): Տարածքից 950մ հեռավորության վրա գտնվում է հանրային
հեռուստաընկերությունը /Երևանի ռադիոհեռուստահաղորդիչ կենտրոնը/, ինչով
պայմանավորված կառուցապատվող տարածքի լանդշաֆտային նախագծում տեղ է գտել
հնարավորինս մեծ մակերեսով կանաչապատ գոտու ստեղծումը:



ջրատար մեքենաներով
անցադային պայմաններ
ներով, խմելու ջրով

Բազմաբնակարան բնակելի համալիրի կառուցման հողային աշխատանքների ժամանակ Ե/բ հիմքերի տեղադրման համար կատարվելու է 52000 խմ ընդհանուր ծավալով հողային զանգվածի հանույթ, որից 38000 խմ ծավալը կտեղափոխվի Երևանի քաղաքապետարանի կողմից հատկացված աղբավայր, իսկ մնացած՝ 14000 խմ ծավալը կարճաժամկետ կպահվի շինարարական հրապարակում՝ որպես հետլիցք օգտագործելու համար: Շինարարական աշխատանքների իրականացման տարածքում հողաբուսաշերտը բացակայում է:

Գործունեության իրականացման արդյունքում շրջակա միջավայրի վրա ազդեցությունները և ռիսկերը հիմնականում պայմանավորված կլինեն շինարարական աշխատանքների ընթացքում անօրգանական փոշու և ծխագազերի ժամանակավոր արտանետումներով, որոնք կարող են առաջանալ հողային աշխատանքներից և տեխնիկական միջոցների աշխատանքից՝ դիզվառելիքի այրման արդյունքում: Շինարարական աշխատանքների ընթացքում հնարավոր ազդեցությունները կանխարգելելու նպատակով հայտում ներկայացվել է բնապահպանական միջոցառումների ծրագիր:

Մթնոլորտային օդի պահպանության նպատակով նախատեսված է՝

- շինարարության ընթացքում պարբերաբար ջրցանի իրականացում /օրական 2-3 անգամ/,

- շինարարական տեխնիկայի և փոխադրամիջոցների տեխնիկական վիճակի ստուգում՝ իրականացնելով կարգավորում,

- շինարարական նյութերի (ավազ, խիճ, հողային զանգված և այլն) տեղափոխում փակ ծածկով մեքենաներով,

- շինհրապարակում սորուն նյութերի պահեստների ծածկում համապատասխան բարձրությամբ թաղանթով՝ փոշու տարածումը կանխարգելելու նպատակով,

- շինարարական աշխատանքների ժամանակ կառուցապատվող շինության ծածկում՝ փոշու տարածումը կանխող ցանցով:

Հողային ռեսուրսների և շրջակա տարածքների պահպանության նպատակով, շինարարական նյութերի և քայուղերի ժամանակավոր պահեստները նախատեսված են տեղադրել բետոնապատ մակերեսի վրա, իսկ նավթանյութերի արտահոսքի հավանականությունը հնարավոր կլինի կանխել շինարարական աշխատանքներում ապահովելով սարքավորումների և մեքենաների պատշաճ տեխնիկական վիճակ:

Շինարարության ընթացքում հոսքաջրերի և անձրևաջրերի հեռացման համար, շինհրապարակին կից նախատեսված է պարզարան, որտեղ հոսքաջրերը կենթարկվեն մեխանիկական նստեցման, որից հետո պարզեցված ջուրը կրկին կօգտագործվի տարածքի ջրցանման համար, իսկ առաջացած նստվածքը կհեռացվի որպես շինաղբ:

Շինարարության ընթացքում հարակից տարածքների համար աղմուկի հնարավոր ազդեցությունը նվազեցնելու նպատակով նախատեսված է շինարարական աշխատանքների և տրանսպորտային երթևեկության կազմակերպում սահմանված ժամերին, աղմուկ առաջացնող մեքենաների և սարքավորումների օգտագործումից խուսափում, խլացուցիչների տեղադրում, տեխնիկական միջոցների պարբերաբար ստուգում և կարգաբերման իրականացում:

Նախագծով նախատեսված շինարարական աշխատանքների ավարտից հետո կառուցապատումից ազատ տարածքը նախատեսվում է բարեկարգել և կանաչապատել: Կանաչապատումն իրականացվելու է բարեկարգման, արդիականացման և կանաչապատման նախագծի համաձայն, որը համաձայնեցվել է Երևանի քաղաքապետարանի հետ: Կանաչապատման համար օգտագործվելու են հետևյալ ծառատեսակները՝ 11 հատ եղևնի, 3 հատ ուռենի, 4 հատ թույա, 8 հատ գդաձև թույա: օգտագործվելու են նաև եղրևանու, վարդի թփատեսակներ, ծաղկասածիլներ և

ստեղծվելու է 520 քմ մակերեսով սիզախոտ: Կանաչ տարածքների ոռոգումն իրականացվելու է կաթիլային եղանակով: Տնկված ծառափուտային բուսականության բարձր աճը և կաշողականությունն ապահովելու նպատակով նախատեսվում է իրականացնել մոնիթորինգ:

Շինարարական աշխատանքների իրականացման ընթացքում նախատեսվում է իրականացնել շրջակա միջավայրի վրա բացասական ազդեցության կանխարգելման/մեղմացմանն ուղղված մշտադիտարկումներ /ըստ տեղամասերի և ժամանակացույցի, ներառյալ՝ տնկված ծառերի մոնիթորինգը/: Բնապահպանական միջոցառումների իրականացման համար նախատեսվել են ծախսեր, որոնք շինարարության ժամանակահատվածի համար կկազմեն 1050000 հազ. ՀՀ դրամ:

Պարճառարական մաս. նախնական գնահատման և փորձաքննության փուլերում, ՀՀ օրենսդրությամբ սահմանված կարգով, Երևան քաղաքում անցկացված հանրային քննարկումներում գործունեության իրականացումը մասնակիցների կողմից արժանացավ հավանության:

Նախագծային փաստաթղթերի վերաբերյալ փորձաքննական գործընթացում ստացվել են կարծիքներ՝ առողջապահության, արտակարգ իրավիճակների, պաշտպանության նախարարություններից, Երևանի քաղաքապետարանից և Նոր Նորք վարչական շրջանից, ինչպես նաև շրջակա միջավայրի նախարարության ստորաբաժանումներից: Ստացված դիտողությունները և առաջարկությունները հաշվի են առնվել Հայտի լրամշակումներում:

Ամփոփելով հայտի բնապահպանական և սոցիալական ազդեցությունների վերլուծությունները՝ կարելի է եզրահանգել, որ նախատեսվող գործունեության իրականացման արդյունքում շրջակա միջավայրի վրա հնարավոր բացասական ազդեցությունները, որոնք առնչվում են շինարարական աշխատանքների հետ, կկրեն ժամանակավոր և տեղայնացված բնույթ և կլինեն թույլատրելի նորմայի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ:

Փորձաքննական պահանջներ

1. Գործունեությունն իրականացնելիս անհրաժեշտ է առաջնորդվել Առողջապահության նախարարի 2007 թվականի ապրիլի 4-ի թիվ 236-Ն հրամանով հաստատված սանիտարական կանոնների և նորմերի պահանջներով:
2. Շինարարության ընթացքում որպես պարտադիր պահանջներ, անհրաժեշտ է՝
 - պարսպապատել շինարարական հրապարակը,
 - շինությունները ծածկել համապատասխան բարձրությամբ փոշու տարածումը կանխող ցանցով,
 - շինհրապարակից դուրս եկող մեքենաների անվադողերը լվանալ,
 - Բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:
3. Շինարարական աշխատանքների ընթացքում առաջացող տարբեր տեսակի թափոնների և մնացորդային գրունտի հեռացումն ու տեղադրումն անհրաժեշտ է իրականացնել ՀՀ օրենսդրությամբ սահմանված կարգով՝ Երևանի քաղաքապետարանի հետ համաձայնեցված:



Տարածքի կանաչապատման աշխատանքներն անհրաժեշտ է իրականացնել տարածքի համար մշակված, Երևանի քաղաքապետարանի կողմից հաստատված՝ բարեկարգման, արդիականացման և կանաչապատման նախագծի համաձայն, որպես խնամքի պարտադիր միջոցառում՝ ապահովել կանաչ տարածքների ոռոգումը:
4.Շինարարության ընթացքում պահպանել բնապահպանական կառավարման և մոնիթորինգի պլաններում նախատեսված միջոցառումների իրականացումը և ժամանակացույցերը:

ԵԶՐԱՓԱԿԻՉ ՄԱՍ

Երևան քաղաքի ՆորՆորք վարչական շրջանի Դավիթ Բեկ փողոցի 103/4, 103/6 և 103/8 հասցեներում բնակելի համալիրի կառուցման շրջակա միջավայրի վրա ազդեցության նախնական գնահատման հայտին տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Տնօրենի տեղակալ՝

Գլխավոր մասնագետ՝



Գ. Գևորգյան

Հ. Մկրտչյան